

7 9
haben/wo du anderst in radt findest der verstendigen/vnd deren so dich gebetten/solichs von mir zuerlangen/das zu offenbaren/wirdig/dienlich/vñ nütz sein/darnoch vnd nit ee außgeert zu lassen/vnd so ich erfare das dem fleißig noch kōmen wirt/vnd zugefallen vnd nütz der welt vnd got furtreglich/wilich noch uolged/ein ander werck von merern instrumēten/vnd scherf fer vbung notirn vnd tabulirn/auch neben dem selben/dz/so mir fürbracht/versach clerlicher dan in dissem truck erzele/warüb/wo/wie/vnd in welchen puncten/her bastian/in seiner newen engellischē music/gefelt/on künstlich/on artlich/on müglich vnd corrupt werck gemacht hat/auch mich darin vnuerieint/on worlich on allen grunde schumpffirt vnd gestupfft/verantwürten trucken vnd außgeelassen/vnd bit dich vnd allen denen dis mein erst prob fur köpft nie vber die achseln/sund mit frölichē augen vnd dapfferm gemüt anzusehen/zuhören/wol ergründen vnd vsörtern/vñ wo ichts vngeschickts/on artlichs oder corrupt von mir angeben gesatz vnd an tag bracht/oder von setzern/truckern/vnd correctorn vbersehen/brüderlich vñ nit mit nidiischem rach zu straffen vnd bessern/vnd mer mein gemüt gegen dir meinem son dan etwas neues gemacht/achte/vñ zu güttem bedēcken vñ beschirmen/domit wöllest mich deuer bit quitirē sei got beuolhen/der dir dein lebē in erē lang wöll fristē Datū Andree apo .āno 1.5.ij.

Dweil ein iedes dinc/das vnder schidlich vnd ordenlich gemacht/den leser mer bewegt vnd lustiger zu lesen/dan so es confus vnd vnordenlich gesetzt/hab ich dis wercklin vnd prob wie noch volgt zu trucken geordnet vnd in trewe theil vnder schiden. **Z**um ersten hab ich Tabulatur vff die orgel/Chorgesang/vñ etlich lieder/mit dreien vñ mit fiern stimen gesatz **Z**um andern tabulatur vff die lauten/3wo stimmen zu zwicken vnd ein zu singen. **Z**um dritten drey lidlein mit dreien stimmen zu zwicken.

Nun folgt das register dis werckleins vnd proben.